

ماذا لو تكلم الكفن .. الحلقة) 40 (#ذَلِكَ هُدَى اللّهِ .. د . حازم

شومان

حازم شومان

بسم الله الرحمن الرحيم على بصيرة انا ومن اتبعني وسبحان الله وما انا من اللهم لك الحمد كله اللهم لك الحمد كله اللهم لك الحمد كله الملك كله. اللهم بيدك الخير كله. اللهم اليك يرجع الامر كله. يا ربنا يا رب العالمين - [00:00:00](#)

اللهم صل على عبدك ونبيك ووليك وحبيبك محمد صلى الله عليه وسلم. ثم اما بعد. فيحكى يا جماعة ان كان في قصة زمان انهم جم لواحد قالوا له من اول الفجر اطلع اجري. اجري على قد ما تقدر. وكل ارض هتقطعها طول ما انت بتجري هتبقى ملكك على شرط. انك انت اخر اليوم ترجع لنقطة - [00:00:46](#)

البداية دهيت قبل ما الشمس تغيب. صاحبنا اول ما الفجر طلع طلع يجري يجري بكل قوته طلع يجري. وبعد كده شوية بدأ يتعب طب اصل شوية استريح فين؟ ده فرصة عمرك. هتضيع فرصة عمرك اجري على قد ما تقدر. ده انت كل ارض هتقطعها هتبقى ملكك. طلع يجري يجري يجيب اخره في - [00:01:10](#)

شوية خلاص ما عادش قادر يا جماعة. طب استريح شوية. طب اجري بالراحة شوية تجري بالراحة. ده انت ده انت هتستريح راحة. ده انت هتبقى باشا ده انت كله هيخدمك. ده انت كل ده انت هتبقى عزيز ومرفوع وغني. ده انت الاملاك دي كلها هتبقى بتاعتك. اجري اوعى ترتاح هترتاح بعد كده. طلع يجري - [00:01:30](#)

يجري يجري ولغاية يا جماعة ما خلاص بقى هيموت في الاخر. طب اقعد استريح استريح فين؟ ده انت كل اللي جريته ده هو لازم ترجعه تاني. ارجعه تاني وان كل ده يروح عليك. يروح علي لأ. ده انا لآخر زرة في طاقتي. ولاخر سانية ولاخر اي حاجة اقدر اعمالها ولاخر نفس في صدري - [00:01:50](#)

انا هجيب اخري عشان الملك ده ما يروحش مني. فضل يرجع ويجري يجري والشمس تغيب. وهو يجري والشمس تغيب وهو يجري. لغاية ما في الاخر يا جماعة قبل ما الشمس تغيب يرجع لنقطة البداية. واصبح كل الملك الواسع ده بتاعه. ولكن للاسف كان بزل مجهود فوق طاقة اي - [00:02:10](#)

انسان اول ما وصل وقع ميت صريع في الارض. جه اللي منحه هذه الارض قال لهم الملك الواسع ده هو كله. احفروا له نص فطر في اتنين متر وادفنوه فيه. ياه! هي دي اخرتها! هي دي اخرة الدنيا. هو ده اخر الجريم الوحوش في الدنيا من الناس! هو ده - [00:02:30](#)

شباب الشوارع والنوادي والجماعات الصالح منهم العاصي. هو ده اخرة الاربعين مليار وربعمية مليار هم والمليارات بتاعتهم. هي دي اخرة اصحاب الابراج والعمارات والعقارات والسيارات هي دي اخرة الدنيا يا جماعة! هي دي اخرة اخرتها ايه! لو كان صاحبنا بقى وهو بييجري بس وقف خمس دقائق في النص - [00:02:50](#)

وسأل نفسه اخرتها ايه؟ لو كان الشباب اللي خلصوا الجامعة وطلعوا يجروا على البلاجات. يبارزوا الله بكل معصية وقفوا يفكروا بس اخرتها ايه؟ لو الملايين اللي اقف قدام ماتشات الكورة على القهاوي وقت الصلاة. وهم بيهتفوا. برافو يا مكهم. كمان يزدان. كمان يا ريفالدو. لو وقفوا بس خمس دقائق بين الشوطين - [00:03:10](#)

اخرتها ايه لو وقفوا يا جماعة هيلاقوا ان اخرتها نص متر في اتنين متر لغاية ما الواحد عضمه يتزاح على جنب عشان يوسع مكانه لغيره احنا المرة اللي فاتت اتكلمنا عن ماذا لو اختارنا الله؟ موضوع جميل ولكن اي طائر لازم له جناحين عشان يطير. لو قصينا جناح

منهم - 00:03:30

ما تقدرش تطير ابدًا. فجناح الترغيب والتجيبب اللي احنا اتكلمنا عنه المرة اللي فاتت. لازم معه جناح ترهيب كمان عشان نقدر نحلق يا جماعة. عايزين نحلق فين كده موضوع المرة دي ان شاء الله يتكامل مع موضوع المرة اللي فاتت. هنتكلم عن الحقيقة. اللي كل الناس بتهرب منها. هنتكلم عن الحقوق اللي ما حدش عايز يواجهها. هنتكلم عن الموت - 00:03:50

والعناصر بتاعتنا في موضوع النهاردة ان شاء الله مطمئنين ليه؟ ده اول عنصر. العنصر الثاني ماذا لو تكلم الكفن العنصر الثالث معلىش يا جماعة. قبل ان يأكلك الدود. العنصر الرابع ماذا يحدث تحت الارض؟ ايه اللي بيحصل تحت الارض واحنا مش - 00:04:10 مهتمين بايه؟ العنصر الخامس في غمرات الموت. واخيرا اخرتها ايه؟ مطمئنين ليه؟ مطمئنين ليه؟ ده الواحد لو داخل امتحان امتحان بالامتحانات مادة يا ينجح يا يشيلها لدور الثاني يبقى خايف مرعوب. لو داخل امتحان دور ثاني هينجح هيسقط سنة بيبقى مرعوب. طب لو دخل امتحان مصيري في حياته؟ لو دخل - 00:04:30

امتحان الاب يبقى مطمئن ليه؟ مطمئنين ليه يا جماعة؟ لو انت في سانونية عامة وواقف في الشارع لقيت واحد بيقول لك الحق ايه؟ ده امتحان سانونية عامة بكرة. بكرة امتحان سانونية عامة اه - 00:04:50

اه تعمل ايه؟ والبيت يعمل ايه؟ والناس كلها اللي حواليك وقرايبك واحبابك يبقى حالتهم ايه؟ طب لو قلت لك امتحان القبر بكرة تعمل ايه؟ يا جماعة كلمة سجن احنا خاف منها. اكثر ما بنخاف من كلمة قبر. رغم ان حبسة القبر اشد من اي سجن. كلمة ضلعة بنخاف منها اكثر ما بنخاف من كلمة قبر. رغم - 00:05:00

ظلمة القبر اشد من اي ظلمة. كلمة امتحان بترعب منها اشد من كلمة موت. رغم ان امتحان القبر اشد من اي امتحان. كلمة سرطان ومرض بنقلق من رغم ان اكثر من كلمة موت رغم ان الم الموت اشد من اي الم. هنطمن متطمئنين ليه؟ مطمئنين ليه ورسول الله بيقول لولا الا تدافنوا - 00:05:20

ما دعوت الله ان يسمعكم من عذاب القبر. مطمئنين ليه والله بيقول قل ان الموت الذي تفرون منه فانه ملافكم. مطمئنين ليه والرسول عليه الصلاة والسلام بيقول لو تعلمون ما اعلم لضحكتم قليلا ولبكيتم كثيرا. ولخرجتم الى الصعدات تجأرون الى الله. متطمئنين ليه؟ ليه؟ مطمئن ان - 00:05:40

كل الطاعات اللي انت عملتها اتقبلت مطمئن ان كل المعاصي اللي انت وقعت فيها ربنا غفرها لك. مطمئن ان يعني لو ذنب واحد بالليل بس سمعنا صوت واحد بيعزب من اجل هذا الزنب في قبره. والله ما نقدر نهرب من الزنب ده مرة ثانية. مطمئن انك مش هتموت حبيب الله مات عليه الصلاة والسلام - 00:06:00

وحبيبك وقريبك ونسيبك مات وملاك الموت هيموت وجبريل هيموت. مطمئن انك هتدخل قبرك قبرك هتلاقه مد البصر. وهتسأل اسئلة الملكين هتلاقيك سابت بامارة ايه عايزين نسأل السؤال ده لنفسنا ونكرره مطمئنين ليه؟ مش هتموت الوقتي كل حادثة وانت ماشي على الطريق السريع شفتها رسالة لك من الموت. كل واحد مات - 00:06:20

هو عندك او اصغر منك رسالة لك من الموت. كل مرة عييت فيها رسالة لك من الموت. كل قريب لك مات. كل صاحب لك مات. كل حبيب لك مات. يا ما - 00:06:40

فالرسائل الموت اللي الموت بعثها لنا. متخيل يا جماعة ان فيه ناس مستهترة بالقضية استهتار ما ينفعش والله الاستهتار يودي في داهية. يعني طالب عنده امتحان نزل يصلي ولا حاجة - 00:06:50

لقى زمايله بيلعبوا في الشارع. لعب معهم. ده انت عندك امتحان بكرة. مش وقت لعب. مش ده وقت اللعب خالص. يعني طالب في طب مسلا عنده امتحان عملي وتحريري وشفوي - 00:07:00

وحالات فادي له يا ابني انت ما بتزاكرش ليه؟ طب يا ابني لو عديت من التحرير هتعمل ايه في الشفوي؟ ولو عديت من الشفوي هتعمل ايه في العملي؟ ولو يا جماعة لو عدينا - 00:07:10

من حساب الملكين في القبر هنعمل يوم القيامة. ولو عدينا من حساب يوم القيامة نعمل ايه على الصراط؟ ولو عدينا من الصراط

هنعمل ايه في العرض على الله؟ كلها اسئلة ما تعديش. اوعى تعديها - 00:07:20

اوعى تعديها اقف عشان قلبك يتغير. عايزين نتغير يا جماعة ازاي؟ ازاي تشيلي هم عريس لسه ما جاش؟ لسه ربنا ما اذنش بميعاده. اكثر ما تشيلي هم اول ليلة تحت التراب. ازاي تشيل هم مادتين ولا هم دنيا ولا هم رزق ولا هم فاتورة اخر الشهر ولا هم ايجار ولا هم وسط عربية ولا ولا اكثر ما تشيل هم - 00:07:30

حساب الملكين. يعني الواحد لما يفتح التليفون بتاعه كده الو ايوة لو سمحت اه فوايد البنوك في البنوك العادية حكمها ايه؟ هقول لهم ايه؟ لو سمحت الو ايوة هو الرحلات بتاعت يوم الجمعة الصبح اللي بين الشباب والبنات حكمها ايه؟ الو ايوة هو الاغاني بتاعة اليومين دول اللي بتنزل في الشرايط حكمها ايه؟ الو ايوة - 00:07:50

هو العلاقات اللي بينا في الجامعة والاختلاط والصحوبية والمحبة الاخوية اللي بينا حكمها ايه. يا جماعة احنا زماننا ده عدنا بنعصي الله فيه وبننتهك. حرمت الله اكثر من اي زمان مر على وجه الارض الا الازمان اللي ربنا انزل عزابه فيها على اهل الارض. كنت بقرأ في كتاب تاريخ فجابوا صورة لقريه رومانية ربنا انزل عليها - 00:08:10

بركان صرف سانية الناس اتحرقت وهي في مكانها. اللي اتحرق في الشارع. واللي اتحرق وهو بيرفع اللقمة في بقه. واللي اتحرق. الناس اتحرقت وهي مكانها. قلت سبحان الله اهو العقوبة اللي نزلت على الناس دي بسبب ايه؟ معاصي ما فيش معصية واحدة بس من من المعاصي اللي كانوا بيعملوها احنا ما بنعملهاش. مش موجودة في المجتمع - 00:08:30

يعني الكورة قوم لوط ربنا اهلكها ليه؟ عشان كفرة ولا عشان فعل اهل لوط؟ عشان الاتنين؟ يعني زي ما ربنا بيهلك بالكفر بيهلك بالمعصية يبقى مطمئنين ليه؟ مطمئنين ليه ورسول الله صلى الله عليه وسلم؟ شاف من الموت اللي السيدة عائشة قالت والله لا اغبط احدا - 00:08:50

بهوان موت بعد رسول الله. مطمئنين وسعد بن معاذ لعرش الرحمن اهتز له. من فرح الله به. في كما صح عن رسول الله صلى الله عليه وسلم الاف الملائكة نزلت له. واللي ربنا فتح له ابواب السما سعد ابن معاذ ضمت عليه الارض وضافت في ضمة القبر. ابليس عبد ربنا اكثر من سبعين الف سنة في - 00:09:10

ولو مش كده عبد ربنا قد عمري وعمرك مية سنة على الاقل. مية مرة على الاقل. وفي الاخر انتكس يا جماعة. وفي الاخر من اهل الضلال يا جماعة. يعني ده الواحد لو بياكل وليد - 00:09:30

قيمة كبيرة فاخرة في بيته وما عهوش فلوس يجيب اكل بكرة بيبقى قاعد شايل الهم وهو بياكل. انت مش شايل هم جوع خمسين الف سنة. ده الواحد وهو سحر الايام دي لو هيصوم بكل كل لقمة معها بق مية كل لقمة معها بق مية ليه؟ مرعوب من العطش. وانت مش مرعوب من عطش وحيلة - 00:09:40

فبينهم وبين ما يشتهون. يعني الراجل العاقل اللي بيعمل حساب مستقبل اولادهم وهم لسة اطفال. الطالب العاقل اللي بيعمل حساب الامتحان من اول يوم في السنة الانسان العاقل اللي بيخطط للمستقبل مستقبلنا في الآخرة يا جماعة. مش من العقل ان احنا نفكر ليه؟ مش المؤمن العاقل والانسان العاقل اللي يعمل حساب مشاكل الآخرة ولا ايه - 00:10:00

يا جماعة احنا وصلنا لقين؟ احنا عايزين عايزين نقف مع نفسنا وقفة. عايزين نقف مع نفسنا وقفة في غاية الخطورة. لان الكلام اللي انا باقوله ده معنى واحد منه بس يكفي انه يقلب حد - 00:10:20

اتى اي انسان والله لو فكرنا فيه يقلب مالك يخليه كله قيام وتضرع وتوسل. يجي بنهارك يخليه كله سعي وعبادة وجهد للدين. يقلب احلامك يخلي يا رب انا مش عايز غير النجاة يا رب. نديني بس يا رب انا مش عايز غير كده. انا عايزك تفكر. انا النهاردة عايزك تفكر وعمايزك تفكري. مرة لأ اتنين لأ عشرة - 00:10:30

ولا لأ؟ انا عايز نفكر الف مرة يا جماعة. الملائكة لا تنزل علينا ساعة الموت. هتقول ابشروا بالجنة ولا هتبشر بحاجة تانية والعياز بالله! ملائكة بين الوجوه ولا ملاك كسيد الوجوه هيفتح لارواحنا ابواب السماوات ونطلع لنار الله ونلقى الله ولا هتملك ديننا هنكفن في كفن من الجنة ولا والعياز بالله في كفن من - 00:10:50

اسئلة لازم تقف الف مرة قدام هذه الاسئلة لانها من اخطر الاسئلة اللي انت ممكن تتعرض فيها في حياتك. اي والله يا جماعة. مطمئنين الموت. الموت حقيقة كبيرة جدا. وصعبة جدا. الموت حاجة رهيبة لدرجة ان هو كسر الجبابة. انا عايز اقول لك ان فرعون فرعون -
00:11:10

اتكسر لما تشوف الموت. فلما ادركه المرض قال امنت. سرعان اتهد لما شافه. الموت كسر الملوك. هارون الرشيد لما جا له الموت بكى. قال لهم يودوني لقبر عايزين نزور قبورنا قبل ما نزورها مضطرين. ونبكي على نفسنا قبل ما نبكي مضطرين. ولما ذهب الى قبره قال يا من لا يزول - 00:11:32

ارحم من زال ملكه. يا من لا يموت ارحم من يموت. الموت ابقى الصالحين والله يا جماعة. اصل الناس دي الناس دي فاقت. بس للاسف فاقت امتي؟ احنا عايزين دلوقتني عايزين نقوم من بدري مش عايزين نتكسر للموت ساعة ما الموت يجي لنا. في الصالح سيدنا عثمان ابن عفان كان لما يشوف قبر كده يعني زي ما انت معدي كده بالعربية - 00:11:52
قدام اي مقابر تبكي يبكي سيدنا عثمان. انت كم مرة بكيت من الموت؟ كم مرة؟ احنا يا جماعة فينا ناس بكت لما تقدم لواحدة وابوها رفض. وفينا ناس بكت لما - 00:12:12

اتفرجت على فيلم والبطلة ماتت في الاخر. وفينا ناس بكت لما سقطت سنة وفينا ناس بكت لما يعني الفريق بتاعه ما كسبش وفينا ناس بكت لما مصر خرجت من كاس العالم - 00:12:22
عالم وفينا وفينا ميين فينا بكى على انه هيتحط تحت التراب وهيتحاسب على ساعة ساعة ودقيقة دقيقة وعمل عمل عمله في حياته مطمئنين ليه؟ النقطة الثانية ماذا لو تكلم الكفن؟ لو الكفن دي مكان الوقت اهو واتكلم وكلمكم ومسك ميكروفون وكلمني -
00:12:32

وخطيبنا ربنا انطقه زي ما انفق كل شيء. الكفن هيقول لنا ايه؟ هتلاقيه بينادي عليك. بيقول لك حطني قدامك. حطني علقني في بلاد السجون بتاعك جنب هدومك. انا اكبر حقيقة في حياتك. بتهرب مني ليه؟ هيجي اليوم اللي هتلبسني فيه هتلبسني فيه. انت ليه بتهرب مني! انت بتهرب مني! هتلاقيه بينادي عليك - 00:12:52
بيقول لك انا ياما اتلف في ياما اللي اصغر منك. واللي اجمل منك واللي اقوى منك واللي اغنى منك. انا ايه ياما تلف فيا ناس كتير اوي انت ليه ما نتاش عامل حساب انك هتتلف في. انا ياما شهدت على نعيم وياما شهدت على العذاب. هتلاقيه بيقول لك انا انا قماش - 00:13:12

ما فيش قطن ودمار وحرير واسترتش هو واحد يا جماعة. هيقول لك انا ما ليش ذنوب الكفن بلا جيوب. ما فيش هتخرج منها زي انسان بيمشي عايز يجمع كل شيء ويخرج في الاخر ما خدش ولا شيء. هيقول لك انت هتخرج مني من غير اي حاجة. ما ليش جيوب ما فيش جيب هتخط فيه موبايل. وجيبها تحط فيه علبة - 00:13:32
سجائر وجيبها تحط في علبة مكياج وجيبها تحط فيه شوية فلوس وجيبها تحط فيه شهادات ما فيش ما فيش ما فيش اي جيب خالص. هتلاقيه هيقول لك انا لونه ابيض - 00:13:52

بس هيسود هيسود من اللي هيحصل للجسد في القبر. انا لون ابيض يعني مش مفرز ولا اورانج ولا كراهات ولا الالوان بتاعتنا الملك والغفير والحقير والغني والفقير كله هو نفس الكفن. ياه! هينادي على كل انسان والله لو اتكلم يا جماعة. هيقول له انا - 00:14:02
سجن ان انت هتتخط فيه والدود ما عكش غير الدود فيه. ما عكش غير اطباق الدود فيه. هيقول لك انا اخر توب هتاخده معك من دنيا بعد كده يا هتلبس اتواب من الجنة يا هتلبس اتواب من النار والعياذ بالله. انا اخر توبة تلبسه من الدنيا. اعمل حساب التوب اللي هتلبسه بعدي. لو نادى على - 00:14:22

كل واحدة متبرجة هيقول لها انت هتتنقبي هتتنقبي هتلبسوا نقاب هتلبسوا نقاب. ونقاب سايف لا هو نقاب نينجا ولا هو نقاب آآ مطرز ولا نقاب سايف. نقاب شرعي تمام. هتلبسيه - 00:14:42
لان الكفن بيغطي كل حاجة. فاتحجي من الوقتي. لو الكفن اتكلم يا جماعة ماذا لو تكلم الكفن؟ لو نطق هيقول كتير هيدي خطب

كتير اوي وهيقول كلام هيبكىنا وهيدمي قلوبنا. لو كلم كل عاصي هيقول له اياك. اياك اياك اياك انت تعمل حاجة يوم -

[00:14:58](#)

ما تلف حواليك تندم انك انت عملتها وانت لسة في الدنيا. لو نادى على كل غافل كل همه جمع الدنيا وجمع اموالها هيقول له فوق. انت بتعمل ايه يا اجمع زي ما انت عايز. اركب على قد ما تقدر. اتمتع على قد ما تقدر. في الاخر مش هتاخذ منها اي شيء. انظر لمن -

[00:15:18](#)

هوى الدنيا باجمعها هل راح منها بغير القطن والكفن؟ ماذا لو تكلم الكفن؟ موضوع كبير قوي لو الكفن اتكلم. النقطة قلت اللي عايزين نتكلم فيها قبل ان يأكلك الدود. انا عايزك تركز معي. الكلام اللي هاقوله لكم في العنصر ده يا جماعة ظاهريا كده ايه ايه هنقول -

[00:15:38](#)

اللي مضايق دي انا الكلام اللي هاقوله لكم في العنصر ده بالزات انا مش جايه لا من كتاب دين. ولا من شروط دين وانا الكلام ده

جايه من مراجع الطب من كلام - [00:15:58](#)

علماء الطب اللي بيدرس في كليات طب العالم كله. عشان كده فينا كتير هيبقى اول مرة يسمع الكلام ده. انا هكلمكم ده الواحد لما

يعني ربنا يعافينا يا رب لو حد جا له غيرنا في - [00:16:08](#)

اول حاجة لو ما اتشالتش ببدا الدود يزهر قدام عينيه. هو مش واخد باله ان المنزر ده هيحصل لجسمه في يوم من الايام. في يوم

من الايام لازم هيحصل. يعني - [00:16:18](#)

لما الواحد بيموت بيبقى عامل زي الحديد كده. لو مات في الصيف يسخن جسمه. لو مات في الشتا جسمه تمام. ربنا يعافينا يا رب.

ويتيبس جسمه بعد الموت. ازاى؟ لو - [00:16:28](#)

اللي مات عليه يسبت جسمه عليه. يعني لو واحد مات وهو بيزني والعياز بالله يسبت جسمه على وضع الزنا. يبقى فضيحة امام الله

سبحانه وتعالى يوم القيامة. يعني آآ سواء الدكتور مات المهندس مات الملياردير مات. الحاكم مات. كل ده لما بيموت يعني احد آآ

زملانا كان رايح يغسل ميت. فيبقولوا له نجيب لك - [00:16:38](#)

امانة قال سبحان الله هاتوا الامانة. الدكتور فلان ده اسمه الامانة. الملياردير فلان ده اسمه الامانة. انا وانت يا باسمنا الامانة. سبحان

الله العظيم. هاتوا يلا ما دنيا تانية قبل ان يأكلك الدود. انا هكلمكم دلوقتي يا جماعة عن كلام علمي تماما. ايه اللي هيحصل للانسان

اللي بيموت لما بيدخل قبره؟ ايه اللي هيحصل - [00:16:58](#)

اول يوم انا عايزك لو فتحنا اول يوم على اعز احبابي على اجمل واحدة على ملكة جمال العالم على الوحوش بتوع المصارعة اللي

بيجيبوهم في الجيش اول يوم هتلاقي بدأت البطن تتعفن. اول عضو بيتعفن. وبعد كده الفرج. البطن والفرج بتعفنه. الحاجتين اللي

الانسان عاش حياته كلها. عشانهم - [00:17:18](#)

اكثر حاجتين الناس ضيعوا علاقتهم بالله عشانهم اول حاجتين بيعفنوا. ياه! ويبدأ الجسم يخضر! اه. بعد كريكات الاساس والعشنة

الواحدة مش بيضاء يعني كل دهن ثاني يوم ابدأ باقي الاعضاء تتعفن. الطحال الكبد الكلى المعدة الامعاء. تالت يوم يعني فيه بخاخات

عطرية في الهوا. يعني اللي بتحط البرفان - [00:17:38](#)

وتحرص على ان البرفان يكون نوع قوي وتمشي ومش هاممها من احاديث الرسول عليه الصلاة والسلام في هذا الشأن. ياه كل عضو

في الجسم بيبقى كأنه بخاخة بتطلع روائح ما فيش بني ادم على وجه الارض يقدر المنطقة. ده لغاية دلوقتي لسه في اليوم التالت يا

جماعة. اما ندخل في اول اسبوع بقى يبدأ يحصل حاجات رهيبه. بعد اول اسبوع يا ترى ملكة جمال العالمية - [00:18:00](#)

يا ترى اجمل بنت في الجامعة هيبقى شكلها ايه؟ يا ترى مارلين من رول لما ماتت؟ واحد شاف صورتها متصورة بعد ما ماتت بست

ساعات بيقول ما عدتش بقدر اسمع اسمها. انا عايز اقول لكم دلوقتي بيحصل ايه. يعني آآ سبنسر بنت آآ يعني ديانة ديانة سبنسر -

[00:18:20](#)

لفتنة العالم كله والشباب والدنيا كلها قامت لها. وكانت هوجة في العالم كله ورا دينا سبينسر. الف مصور بيجري ورا عربيتها. لما ماتت

تحت النفق ما فيش في واحد لو اطلاع صورة؟ ما فيش واحد اهتم انه يصورها. كل حاجة بتروح كده فجأة. بعد اسبوع بيبدأ الوش يتنفخ. اللسان يتنفخ اللسان. اللي ياما اغتبت به جارتك - [00:18:40](#)

وصاحبك وقريبك يتنفخ ويطلع برة. العينين الجميلة الكحل والمسكره والايلاينر والايشادو والتسبيل. بتجحص وتطلع برة قبل ما تفرق الوش بيتنفخ والحدود بتتنفخ. بعد عشر تيام بتبدأ باقي الاعضاء يحصل لها نفس الموضوع. تتنفخ البط تتنفخ وتنفجر. المعدة - [00:19:00](#)

تتنفق وتنفجر قيس كل حاجة. مش عايزين نفس قيس انت كل حاجة. قيس كل حاجة. بعد اسبوعين الشعر بيبدأ يقع. شعر اللي تعبان عند الكوافير اللي كان بيتعمل حمامات كريم والكوافير كده يقعد يسبب فيه ومش مشكلة. ما هو فلان ده زي اخويا ايه المشكلة - [00:19:20](#)

الشهر يقع الدقن تقع البوجرس والسكسوكه والسوالف الكلام ده يا جماعة الضوافر يا جماعة الجيل بيبدأ يقشر الاسنان الاسنان بعض الضحكات الساخرة الساحرة بعد ما كانت الضحكة كده تسحر كده وتقفي كده يا تتصوري كده وانت لابسة السواريه في الفرحة كده ضحكة تسحر وتقفي كده - [00:19:39](#)

تصوري مع اه الشلة والكابل بتاعة الجامعة كده ضحكة اه السنان تقع. سبحان الله العظيم! انا باقول لكم الكلام! هاقول لكم انا باقول لكم الكلام ده ليه. بعد خمستاشر يوم الدبابة الزرقا الدبان الازرق بيشم ريحة الجسة من بعد خمسة كيلو. يشم ريحة الجسة يحفر انفاق تحت الارض عشان يوصل لها. ده - [00:19:59](#)

العلم تماما عشان يوصل لها ويبدأ الدود يغطي الجسم كله ويبدأ الدود ياكل في الجسم. يعني ايه؟ يعني لو آآ وروناالدينو لو الناس دي ماتت بعد خمستاشر يوم هنلاقي اطباق وبعد ست شهور تفتح عليهم هم - [00:20:19](#)

اقوى اقوياء العالم هم والمليار دولار. هم والحكام والوزرا واعضاء هم وكل دول. تلاقي بعد ست شهور ما عدش اي حاجة من الكلام ده. هيكل عظمي في بس بعد سنة الهيكل العظمي غيرك من بعضه بيبقى خلاص شوية عضم كده مرمي جمب بعضه يبجي الدفان يتاخره عشان يحط مساحة للجسة اللي بعدها - [00:20:39](#)

بعد خمسة وعشرين سنة ما بيبقاش فيه غير بودرة. شوية تراب. وعجز الزمن الرسول عليه الصلاة والسلام قال بيفضل لغاية يوم القيامة. عشان العبد بيعت وفعلا بيحققوا علمية. يا جماعة يا جماعة انا بقول الكلام ده. انا بقول الكلام ده عشان تعرف جسمك اللي انت قاعد تهتم بشهواته. هيروح فين؟ عشان نعرف احنا بنأمر - [00:20:59](#)

احنا وبنقعد جسمنا كل جسمنا وشهوات جسمنا فيها محور حياتنا لأ يا جماعة لأ يا جماعة ربنا بيوريك اسفل سافلين في جسمك بعد الموت فوق عشان تعرف ان الجسم ده ما لو ش قيمة اصلا. الجسم ده ما لو ش اي قيمة. القيمة في روحك في ايمانك في قلبك في علاقتك بالله. سبحانه وتعالى. يبقى - [00:21:19](#)

احنا بنستفاد من الكلام ده ان اوعى تضيع عمرك في جسد هيحصل فيه كده. ضيعه اقيسني عمرك في علاقتك بالله سبحانه وتعالى ممكن ناس تتعفن بسرعة زي عقبة بن ابي معيط كده لما قتل عقبة بن ابي خنق النبي كان هيقتل النبي في الحرم عليه لعنة الله صلى الله على نبينا - [00:21:39](#)

محمد عليه افضل الصلاة والسلام. عقبة بن ابي معيط كان اجرأ الناس على رسول الله. صلى الله عليه وسلم. عقبة ده لما قتل في بدر اتعفن فوراً لدرجة انه ما قدروش يشيلوا جثته ردموا عليه التراب. في حين ان عبدالله بن حرام يا سلام! يا سلام! شهيد في احد! بعد خمستاشر سنة ابني - [00:21:59](#)

على جسته وعمايز ينقل جسته من المكان اللي دفنت فيه. يفتح يلاقي ايده محطوطة على جرح يشيل ايد الدم ينزل. الدم ينزل شهيد عند الله. احد الطب الشرعي بيحكى لي ويقول لي واحد وهو ساجد اتضرب بالنار فاتقتل. نقلوه بعد ثلاث تيام انا حكيت لكم دلوقتي بعد ثلاث تيام ده بيبقى الجسة حالتها ايه؟ نقلوه بعد - [00:22:19](#)

بعد تلت تيام عما وصل للطب الشرعي ما لقاش اي تغيرات في جسته خالص. قادر الله قادر. الله قادر يحفزك سبحانه وتعالى. يعني

قبل ان لازم تقف وتفكر ايه اللي يستاهل عمره وعمرك؟ رحمة ولا جسدنا؟ ايه اللي يستاهل عمره وعمرك؟ علاقتنا بالله ولا شهواتنا؟
اقفي وفكري - 00:22:39

اقفي قبل ما تبهرى بجمالك قدام المراية وتقفي تحطي ست انواع مكياج في عينيك وخمس ست انواع مكياج تانية في وشك وتقف اربع ساعات قدام المراية تسرحي في شعرك وتعملي - 00:22:59

كل ده هيروح فين يا جماعة؟ كل ده هيحصل له ايه؟ انا بكلمكم دلوقتي يحصل لكم هيحصل ايه؟ وبجيب كمان مختصرات. النقطة الرابعة مازا يحبس تحت الارض ودي اقوى او اكتر نقطة مهمة في الموضوع بتاعنا النهاردة. حديس رسول الله صلى الله عليه وسلم. ايه اللي بيحصل تحت اتكلمنا عن الجسم بيحصل له ايه؟ طب الروح بيحصل لها ايه - 00:23:09

الوقت هنتكلم ان فيه جنازتين جنازة تحت الجنازة فوق. الجنازة اللي فوق دي احوالها ايه؟ جنازة الجسد دي خلاص احنا زهدنا فيها. احنا عايزين روحنا يحصل لها ايه بقى قال رسول الله صلى الله عليه وسلم الحديس ده عايزك تعيش معي بقلبك. بروحك بوجدانك. انا عايز الحديس ده انا والله يا جماعة وانا بقرا الحديس. انا حسيت كده ان انا ايه - 00:23:30

يا رب اجعلني من صنف المؤمن اللي فيه من كتر الافراح اللي هم بيعيشوها في الحديس دهو. من كتر الافراح الرهيبة. والحديس فيه ترهيب برضو جامد خدوا بالكم يا جماعة لو قلت لكم لو قلت لك ان فيه اسد هرب من جنيئة الحيوانات. اسد! يا عم يا عم انت بتصدق الكلام ده! يا عم سبك منه! تعال ننزل نخرج! يا ابني والله فيه اسد هرب - 00:23:50

يعني لو انا صادق مش هتفوق غير والاسد قدامك هتعمل ايه؟ احنا بنتكلم عن حاجات هتحصل تحت القبر. تحت قبر مين يا عم ده احنا في القرن الخمسة وعشرين يا عم! انتم انتم في الكلام - 00:24:10

بتوع زمان ده يا حبيب قلبي انت وانت قاعد في اوضة اهو معي راديو. شغلته جه القرآن الكريم. الله! قلبت المحطة جت اغاني. قلبت المحطة جت تمسيلية. ايه ده الاسود دي فين؟ الاصوات اللي حواليك بس انت مش سامعها الا لما جه جه جهاز استقبال استقبال الموجات بتاعتها. استقبال بتاعتها يعني ايه - 00:24:20

يعني مش لانك ما انتش سامع يبقى ما فيش صوت. لما تمسك الريموت بتاع العربية كده وتقوم ضارب كده تقوم العربية تفتح. تضرب العربية تقفل. تضرب التليفزيون تفتح تقفل تضرب التليفزيون اقفل. ايه ده! انا مش شايف حاجة. مش لانك مش شايف معناها ان ما فيش حاجة. ما يقينا في حاجة. هي اللي فتحت وهي اللي قفلت. يبقى ازا يا جماعة مش لاقين - 00:24:40

ما انت السماء يبقى ما فيش حاجة. مش لانك ما انتاش شايف يبقى ما فيش حاجة. اوعى اوعى ده انت سامعك ده ضعيف اوي وبصرك ده ضعيف قوي. تعامل كلام ربنا وكلام رسول الله - 00:25:00

زي المجرمين اللي بينكروا عذاب القبر. تعالوا لكلام ربنا وكلام رسول الله. بحدود سمعك وبصرك تبقى خسران. والله تبقى خسران. انا بقول الكلام ده عشان نصدق انت لو نمت جنبك وقلت لك ده انا صحيت اول ما صحيت قلت لك ده انا حلمت ان انا كنت في طيارة ورحت في اخر الارض ورجعت وطلعت السما ونزلت. قلت لي ايه؟ انت بتقول ايه؟ انا مش مصدقك - 00:25:10

ليه؟ انا ما شفتكش، انا شفتك نايم جنبتي. انت يا جماعة يا جماعة عايزين عقولنا تكبر يا جماعة. عايزين يبقى عندنا يقين في معاملة الله سبحانه وتعالى. ان العبد المؤمن - 00:25:30

الله! ايوة بقى نبدأ نسمع بقى! اذا كان في انقطاع من الدنيا انقطاع من الدنيا! فجأة! يا جماعة العمر بينتهي فجأة! زي ما الكهرا بتقطع قطاع تركة هو ده فجأة انت بتبقى قاعد الدنيا تضلم. فجأة ماشي في السوق رايح شغلك رايح كليتك نازل سكشن رايحة درس فجأة طالع مع واحد - 00:25:40

صاحبك على الطريق السريع. طالعين فاتحين على الرابع بالعربية. طالع مشوار في سهرة ليلة الخميس بالليل ولا حاجة في اي مشوار ولا اي سهرة. فجأة تلاقي نزل لك ورا فوجئتوا مين؟ احنا ملائكة. منين من عند الله؟ عايزين ايه؟ روحك ليه؟ هتصعد الى الله. الى ربك يومئذ المساق - 00:26:00

ان العبد المؤمن اذا كان في انقطاع من الدنيا فجأة لازم تاخذ بالك ان فيه لحزة هتسبب فيها كل حاجة. كل حاجة لازم توتر نفسك ان

هيجي لحزة هتسيب فيها - 00:26:20

قرايبك وجيرانك وصحابك وشغلك وعيادتك ودراستك والمسجد اللي بتصلي فيه. لازم اللحزة دي هتيجي واقبال من الاخرة اتته ملائكة بيد الوجوه كأن وجوههم الشمس. الله! فيجلسون منه مد البصر. الله - 00:26:30

انا لو قاعد في مكان ضلعة وفجأة الشمس طلعت الدنيا كلها اتطور. طب تخيل بقى ده كل واحد منهم وشه شمس. امال لو كل الوشوش دي شمس. طب يا رب الموكب - 00:26:48

المهيب ده كل الاعداد الرهيبة دي ليه؟ ده من حب الملائكة فيك. ده من حب ربنا لك. ده من البشرى. ثم يأتي ملك الموت. طب ملك الموت ما يجيش في الاول ليه؟ عشان ما - 00:26:58

ما تخافش عشان تظمن الاول من المناظر الجميلة دي. انا عايزك تعيش معي بقى في الجو الرهيب ده. الواحد نايم اهو بدأت المناظر دي تتضح قدام عينه. مليون شمس طلعت قدام عينه والدنيا - 00:27:08

صورت انوار عمره ما شافها قبل كده. معهم حنوت من حانوت الجنة. معهم كفن من اجسام الجنة. لبس جنة بقى. وعطور جنة بقى. ليه؟ ده انت تروح تقابل ربنا الوقتي. سبحان الله! هتطلع تعمل مولاك! لازم اقلع لبس السجن اللي انت لابسه ده بقى! والبس لبس نضيف! سيدنا حنظلة لما الملائكة غسلته غسلته - 00:27:18

انتم ليه؟ لان سيدنا حنظلة كان مات وهو على جنابة قتل في المعركة وعلى جنابة. فلازم يطلع لربنا في اظهر سورة. فيسع فيأتي ملك الموت سيجلس عند رأسه ويقول ايتها الروح الطيبة اخرجي الى مغفرة من الله ورضوان. الله - 00:27:38

اخرج تسيل كما تسيل القطرة زي ما اتيل كوباية مية كده المية تنزل تجري تجري ليه؟ يا جماعة المؤمن فرحان. روحوا مع الله روحوا مش هنا روحوا مع العالم اللي فوق مع الجنة والقصور بتاعة الجنة. هو جعفر ابن ابي طالب فين؟ بيطيّر بجناحين الوقتي في الجنة مع الملائكة. هو ارواح المؤمنين - 00:27:58

ارواح المؤمنين يا جماعة كما صح عن رسول الله في الجنة تسبح تأكل من ثمارها وتشرب من انهارها. ارواح المؤمنين وارواح الشهداء يا جماعة هو المؤمنين دلوقتي بيحصل المؤمنين دلوقتي في نعيم عظيم. ياه! فتخرج تسيل كما تسيل القطرة. ما فيش الموت خالص. شوق بقى. القطرة مشتاقة انك تميل لها كده - 00:28:18

بس عشان تخرج بسرعة. فاذا اخرجها لم يدعها في يده طرفة عين. ياخذوها بسرعة من شدة الحب. من شدة حبه له ما يسبيوهاش في ايده. ياخذوا الروح المؤمنة من هذا من ملك الموت ثم يضعوها بقى في كفن الجنة بقى وحموت الجنة بقى ولبس الجنة - 00:28:38

والنظام بقى الجديد خالص بقى والحياة الجديدة خالص. يصعدون بها وله ريح طيبة. ريح جميلة. ريحة عملك الصالح. ريحة ثباتك على قيام الليل ريحة طاعتك. ريحة بالك بوالدك ووالدتك. ريحة طعام الحرام الطعام الحلال. ريحة استعدادك لرمضان. ريحة صيامك في شعبان. ريحة خاتمتك للقرآن - 00:28:58

قبل رمضان ريحة غضت للبصر. ريحة كل عمل صالح عملته في حياتك. يعني احنا هناخد الوقت يا جماعة فاصل قصير ان شاء الله. ثم نعود ان شاء الله بعد الفاصل. اقول قولي هذا واستغفر الله لي ولكم - 00:29:18

سنعود بمشيئة الله. لا الحمد لله حمدا كثيرا طيبا مباركا فيه كما يحب ربنا ويرضى. الحمد لله وكفى وصلاة وسلاما على عذابه الذين اصطفى. ثم اما بعد كنا في الرحلة الجميلة دي لغاية ما جه الفاصل قطع علينا الرحلة الجميلة قوي دي يا جماعة. عايزين نكمل ندخل تاني في الجو بتاع الرحلة. والروح المؤمن بتخرج تسير كما تسير - 00:29:33

كثر من كتر الفرحة بتاعها تتلف زي السود بتاع الجنة ويصعد بها الملائكة وريحتها طيبة كاطيب ريح مسك. وجدت على وجه الارض. تخيل انك انت وطبعا دلوقتي فكلما مررت على ملا من الملائكة قالوا ما هذه الروح الطيبة؟ تقوم الملائكة تشيع الروح. يستفتحوا اول باب من ابواب السماء يفتح لك. ده كل اللي - 00:30:05

فتطلع السنة الثانية يشيعك منها مقربوها من الملائكة. تطلع السنة الثالثة الزفة الجميلة تزيد اكثر وتشيعك ملايكة دكتور يبقى ازا يا

جماعة فيه جنازتين جنازة في الارض ماشية جنازة ماشية وناس بتبكي وجنازة فوق احتفال بك اعزم من اي - [00:30:25](#)
على وجه الارض كلها اعزم من اي احتفال اتعمل لاعظم ملك. على وجه الارض كلها. تطلع والجنازة قاعدة تكبر تكبر تكبر لغاية ما تصل
الى السماء السابعة ربنا يقول اكتبوا كتاب عبد في عليين. بس انت كنت ماشي في الشارع واحد بيقول لك مبروك انت نجحت
بمجموع كبير. كان مش عارف. كل شوية واحد يقابل لك مبروك - [00:30:45](#)

انت نجحت في موضوع كبير. كان مش عارف. اخيرا خدت الجائزة وعرفت المجموع. مبروك اكتب لي الكتاب عدي. في عليين ثم
تعاد الى الارض يأتي الملكين عشان تحاسب فتسأل من ربك؟ ياه ربي اللي كان كل نعمة في حياتي منه، اللي كان كل ابتلاء اترفع في
حياتي - [00:31:05](#)

بعد ما رفعت ايدي ليه؟ اللي ما كانش لي باب غير بابه لما بيتزق في اي حاجة. ده انا لسة نازل من عند الله. يبقى ازاى ما جاوبش؟
طب ما دينك؟ ايه - [00:31:25](#)

اسلام ديني اغلى حاجة عندي. لحمي ودمي. طب ما النبي؟ محمد عليه الصلاة والسلام. قدوتي ومنهجي وطريقي. كانت سنتي اللي
كان ليلي زي ليله زي نهاره سيدنا محمد عليه الصلاة والسلام. فيقول الله فيقال ان صدق عدي. فافرشوه من الجنة. وافتحوا له بابا
الى - [00:31:35](#)

متخيل كده شقة على الكورنيش لأ ده دي شقة بتطل على الجنة. يا سلام! طب الشقة مفروشة من دمياط لا لا ده مش شقة مفروشة
من الجنة. طب الشقة حته متين متر تدفع كم في الشقة دي؟ تدفع كم في النعيم ده؟ فيقول ربي اقم الساعة. رب اقم الساعة. واما
العبد الكافر - [00:31:55](#)

او الفاجر اسمع او الفاجر. الرسول عليه الصلاة والسلام لما السيدة عائشة زكرت له عزاب القبر ارتاع رسول الله صلى الله عليه وسلم.
لو حاجة يا جماعة والله تخلي يقشعوني من شدة الرهبة والخوف. وان العبد الكافر او الفاجر اذا كان في انقطاع من الدنيا. اه خلاص
الشهوات كلها راحت واقبال من الان - [00:32:15](#)

اتته ملائكة سود الوجوه فيجلسون منه مد البصر. ايه ده! العدد الرهيب ده كله ليه؟ ده لو ثلاثة اتلموا على واحد في الدنيا الارض
الانوف من الملائكة دي جاية ليه؟ الكتيبة من كتاب السماء نازلة عشان واحد عشان بشر ضعيف ليه؟ هيتعمل فيه ايه؟ فيجلسون منه
مد البصر - [00:32:35](#)

ومعه النصح من نسوح النار كفن من جهنم والعياذ بالله. فيأتي ملك الموت فيجلس عند رأسه فيقول ايتها الروح الخبيثة اخرجي
الى سخطك من الله وغضب اسمع فتفرق في جسده. الروح يا جماعة بتبدأ تطلع من رجلين من الايديين لغاية ما توصل للحلقوم هنا.
اول ما ملك الموت ييجي - [00:32:55](#)

تعرف ان هي والعياذ بالله للنار تفرق في جسدي تاني. ترجع في جسمه. ليه؟ عشان لما ينزعها ينزعها من كل عرق وعصب في الجسم
كله. شوفوا الطريقين شوفوا الطريق الاولاني والطريق الثاني اللي احنا بنتكلم فيه. تختار انهي طريق من الاثنين؟ فينتزعها كما ينتزع
السفود من الصوف المبلول - [00:33:15](#)

حتة حديدة مفرقة شوكي يمين وشمال اتزعزعت من قماشة. هتقطعها. هتقطعها وهي خارجة. فاذا خرجت لم يدعوها في يده طرفة
عين من كرهون لها يلفوها في حانوت النار كسروا النار والعياذ بالله. جنازة تحت ماشية ببيكوا عليها ويقولوا ده انت كنت وجهازه
فوق قسم من نار والعياذ بالله - [00:33:35](#)

ولو ربحت ان تنريح نزلت على وجه الارض. فاذا صعدوا بها الملائكة تنفر منها ما هذه الريحة الخبيثة؟ ده ريحة عمله. دي ريحة
الكليات اللي بيتفرج عليها ودي ريحة ليالي الانس اللي كان بيتفرج - [00:33:55](#)

ما يزيل الريحة الخبيثة. فيقول هذه روح فلان ابن فلان باقبح اسمائه. التي كان يسمى بها في الدنيا. يطلع والعياذ بالله يا جماعة
يطلع ابواب السماء تتقفل في وشه ما فيش ولا باب يتفتح ولا دهاب. ولا حتى اول باب يتفتح فتطرح روحه وطرحن زي كيس زباله
وبيترمى. زي - [00:34:05](#)

تطرح الى القبر عشان يبجي الملكين فيقولان له من ربك؟ ها؟ ها؟ ربي مش عارف هو ما استعدادش هو مش مستعد. هو عامل زي طالب مش زاهر شوية وساب شوية. هو ما فتحش المنهج اصلا. هو مش فاهم الاسئلة دي ايه اصلا ها؟ انتم بتقولوا ايه - [00:34:25](#) ادري ما دينك؟ لا ادري. من نبيك؟ ها؟ لا ادري انا مش عارف انتم بتقولوا ايه اصلا. تخيلوا الرأي ان هو في ساعتها لانه ما استعدادش. ما احنا لازم ده احنا لازم ناخذ في الحسابان يا جماعة ان احنا نستعد لمسل هذه المواقف. فنادى ان كذب عبدي فافرشوه من النار. وافتحوا له بابا - [00:34:45](#)

شقة مفروشة من جهنم. وبتطل على جهنم والعياز بالله. وبتعرض على جهنم مرتين في اليوم ده والعياز بالله. سم ياتي عمله السيء في شكل ملك وفي يعني رفيق قبيح الورد قبيح الصيام قبيح. انت مين انت كمان؟ انت مش عارفي. انت مش فاكرا لياليك واياك ومتعك - [00:35:05](#)

انت مش فاكرا ما انتاش فاكرا اللي انت عملته طول عمرك فيقول ربي لا تقم الساعة. ربي لا تقم الساعة. ازاي يا جماعة؟ الكلمة دي غريبة جدا حيث في تابوت من جمر بيقول يا رب ما تطلعنيش منه! يا رب ما تقومش الساعة! يا جماعة لانه عارف العذاب اللي بعد كده اشد من عذاب القبر! هو عارف ان بعد كده اشد ازاي - [00:35:25](#)

فيقول ربي لا تقوم الساعة. ربي لا تقم الساعة. انا عايز احزر. انا عايز احزر. شارب اللي بيشرب مخدرات. مش هتنجوا من عذاب القبر. الا ان شاء الله اللي كان مال يتيم مش هتنجو من عذاب القبر. اللي بياكل السحت والرشوة مش هتنجو من عذاب القبر. اللي اجرمك في حق ربها ودينها ورسولها - [00:35:45](#)

او نفسها وكشفت من جسدها اللي تفتن به المسلمين. مش هتنجي من عذاب القبر. اللي مشي مع دي وحد بينزنا والعياز بالله. مش هتنجو من عذاب القبر الا ان يشاء الله - [00:36:05](#)

اللي ربنا ادى له ما طلعهش سجا. زكا اللي معهاش ربنا في ولاده. وما راعاش ربنا في تربية ولاده. هتنج من عذاب القبر. فكرك انك هتنجي. ان ربنا قالوا دي ما رحش حج. اللي واللي امشي اشرب خمرة. اللي يا جماعة يا جماعة عذاب القبر ده موضوع كبير جدا. وموضوع خطير جدا وما ينفعش ان هو يعدي علينا. عشان كده - [00:36:15](#)

نفهم بقى ليه العبد المؤمن بيقول قدموني قدموني وليه الثاني بيقول والعياز بالله يا ويلها اين تذهبون بها سييها على فين؟ موديني على فين؟ واخديني على فين؟ الموضوع كبير اوي يا جماعة. الموضوع كبير ومحتاج وقفة طويلة منا والله العظيم - [00:36:35](#) عشان كده العنصر اللي جاي في غارات الموت. ياه! ليه ربنا سمى الموت مصيبة؟ فاصابتكم مصيبة الموت ليه؟ ليه ربنا سمى الموت مصيبة يا جماعة ربنا سمى الميت مصيبة اول حاجة عشان ستني في الممات. فتنة الممات دي ايه؟ الشيطان. الشيطان بيجي لك ساعة الموت وانت روحك عند التركي وعند الحلقوم وخلاص ما انتاش قادر - [00:36:54](#)

تقاوم بيجي لك في اضعف لحظات حياتك عشان يحاول يخليني اعصي. لا لا لا الشيطان اللي هو مش عايز مش عايز معصي.

الشيطان عايز الناس امال بيقوعي في المعاصي ليه؟ ده استدراج ده برجلين. عشان كده ساعة الموت بقى بيجي مش عايزك

تعصي. ده والعياز بالله عايز يكفر العبد. طب ازاي؟ ده له حيل تانية خالص - [00:37:14](#)

بيجي على العبد اللي عنده شكوك ولا حاجة يجي له في شكل بقى ورد عن بعض السلف. يجي له في شكل مسلا حد من احبابه اللي مات يقول له انا انا سبقتك - [00:37:34](#)

واكتشفت ان يهودية هي الدين الحق. انا سبقتك واكتشفت ان الناموسية دين الحق. لو ما فيش يقين الواحد يسبت ازاي؟ طب

افرض الواحد مش من اهل الشبهات. لو انت عندك - [00:37:44](#)

ثواب يبقى مونا عن انك انت ما تقولش لا اله الا الله قبل ما تموت. بيجي لو واحد من اهل الدنيا يفكروا بالدنيا. واحد من اهل المال

يفكروا بالمال. واحد من اهل الشهوات يفكروا - [00:37:54](#)

واحد كل حياته مزاهرة بالشهادات. بحيس انه ينسى انه يقول لا اله الا الله والعياز بالله. طيب فيه نوع تالت بقى الشيطان كان مستعبده بالدنيا. ده الشيطان بيعقدني لسانه عند الموت. يمنعه قهرا ان هو يقول لا اله الا الله. واحد كان في طيارة وكان راكب جنبه

واحد بشنطة كده في الراجل اللي - 00:38:04

مفاجأة احتضر فجأة يموت. فيقول لا اله الا الله ما يقولش. قل لا اله الا الله ما يقولش. قل لا اله الا الله ما يقولش. ايه ده؟ فقال

له في الاخر الكلمة - 00:38:24

اللي انت بتقولها دي انا مش عارف انطقها. واحد تاني ما هوش عارف يقول لا اله الا الله. قال اقولها ازاى وانا عمري ما صليت ولا صلاة واحدة. فيا جماعة فتنة الممات دي فتنة خطيرة جدا. الشيطان بييجي في وقت خطير جدا. كانت احد الاخوات بتقول انا خايف

- 00:38:34

مش عايز اتحاسب. انا مش عايز اموتك ليه؟ لان انا عارفه لما بيتحاسب ده هيحصل ايه. الموضوع كبير والله يا جماعة. ليه الموت

بيسمى مصيبة؟ لانك انت هيتنزل ملك - 00:38:50

خد روحك ده مش واحد هياخد ايدك ولا بدل روحك. ده ملك الموت ده كان احد يعني مديرين الشركات وكان راجل شديد جدا. فجأة

وهو واقف مع الموزفين قال ايه ده - 00:39:00

ايه ده! وقام باصص كده وفجأة وقع ميت. بيشفوفه لقوه يعني يعني والعايز بالله يتبول على نفسه وحالته. ايه ملك الموت يا جماعة؟ فجأة بييجي. هتشوف مصيبة ليه؟ مصيبة لانك انت هتسرق اهلك. في الجنازة بيمشي وراك اهلك وبتمشي العربيات بتاعتك

اللي هيورسوها من بعدك - 00:39:10

الصحف بتاعتك اللي الملكين كتبوها عليك. كله بيرجع وبتبقى الصحف. خليك مع اللي هيبقى عليك. مصيبة ليه؟ الموت مصيبة لان

باب التوبة بيتقف. تقبل احدهم ما لم يغرغر لو ما فيش غرغرة بتقبل التوبة تخيلوا الغرغرة اللي احنا بنتغرغرها دي في الدواء لما

يكون عندنا التهاب في الحلق تخيل دي مش درجات ده روحك روحك - 00:39:30

ربنا يعافينا يا رب من الام الموت. فتخيل ان باب التوبة بيتقفل اوسع باب رحمة يتقفل. وابواب رحمة ربنا لا تنفذ. مصيبة لان

الصحيفة هتتسلم الورقة هتتشدد. متخيل ان ما عدش فيه حسنات هتتكتب خلاص. الا لو لك حسنات جارية. المعاصي بتتكتب وما

حدش ينفع تتوب منها خلاص. مصيبة. لان - 00:39:50

وحين بينهم وبين ما يشتهون. الملايين اللي جمعتها حل بينك وبينها. مراتك حبيبته حل بينك وبينها. اولادك قرايبك احبابك اصحابك

حلو بينك وبينهم مصيبة ليه؟ مصيبة ان الانسان يعفن. هو فيه مصيبة هو فيه مرض اشد من انسان يعفن؟ هو فيه ابتلاء اشد من ان

الانسان يدوب؟ هو فيه واحدة اشد من - 00:40:10

الامر هو فيه فقر اشد من فقر الكفن؟ هو فيه بيئة اشد من دولة الامر؟ عشان كده ما رأيت ما رأيت منظرا الا والموت افطع منه يبقى

يا جماعة الموت مصائب. الموت مصائب ليه؟ عشان الحساب اللي في حساب الملكين. الموت مصائب عشان الم الموت. الالم اللي

موجود في القدس يموت. ربنا - 00:40:30

يا رب يعني المحتضر ده تلاقيه عينيه زايغة يقول اه الحقني هاتوا لي حد اعملوا حاجة بطني راسي يبدأ يقول كده فجأة تلاقي

نفسك وانت واقف جنبه بدأ خلاص ما عدش بيتكلم. هو ما عادش بيتألم لأ ده ممكن الام اشد بس ما عدش معك خلاص. فجأة تلاقيه

بدأ يدخل في غيبوبة انت مش ضارب اللي هو فيه - 00:40:51

ممكن يكون في الام اشد مما تتخيل شوية تلاقي الممرضة بتنادي الحق ايه العيان بيغصب ايه بيقاصبه دي كلمة عند الدكاترة كده

معناها انك انت تقعد جنبتي وتقعد تعيط خلاص. يعني يا جماعة الواحد بياخد حوالي خمسة وعشرين نفس في الدقيقة. يوصل

لمرحلة انه ما ياخدش اكثر من نفس كل خمستاشر ثانية. فتخيلوا حاول ان انتم تعملوا - 00:41:11

صدرك شكله ايه؟ سيدنا عمرو بن العاص لما جا له الموت قال احس كأن السماء انطبقت على الارض. انا اتحبست من السماء والارض.

واتنفس من ثقب ابرة ثم يموت والله اعلم بالالم اللي هو شافه. ولو ترى اذ الظالمون في غمرات الموت. غمرات. انت عارف اللي بيتغمر

في الماية انت انت بيتهيا لك - 00:41:31

كوسة كان نايم قدامك ساكن. ما تعرفش ان هو ممكن يكون في الم زي الم اللي بيغرق. بس ما بينطقش. مش قادر ينطق. يعني كانت

بنت فتاة ماتت يعني يعني رؤي لا رؤية بفضل الله طيبة يعني كويسة بفضل الله. ولكن كان في جزء منها بتقول فيه ايه؟ بتقول انا مهما وصفت الموت - [00:41:51](#)

بتقول لواحدة قريبتها مهما وصفت انا ما اقدرش اوصفه. الموت ما فيش حد يقدر يوصفه ولا حد يعرفه غير اللي مروا به. فعشان كده يا جماعة الم الموت من عذاب من انواع عذاب النار اللي الكفار بيعذبوا الله النار. ويأتيه الموت من كل مكان. من شدة الم الموت ربنا جعله نوع من انواع العذاب اللي هو بيتعزبوه - [00:42:11](#)

ان الالم ده يحسوا به من غير ما يموت والعياذ بالله. تخيل لما النبي يقول ان الموت بتكفر به السيئات! يعني الواحد سيئاته تطلع عليه في الموت! يعني كل ما يكون عندك - [00:42:31](#)

جزينات كل ما الام الموت يزيد ونزع الموت يزيد! يعني واحدة قالت له هي سيئاته! يبقى لازم قبل ما يقتل موت يكون الواحد طهقر صحيفته من اي سيئات! عشان ما - [00:42:41](#)

ما يمرش باي الم ولا يمر باي ضيق ولا يمر باي عذاب. يبقى لازم يا جماعة ان احنا جلسة الضحى هتكفر سيئات ايوة اعملها. قم الله يكفر ايها قوم سماع الدروس هيكفر سيئات ايوة اجري لها واحضر دروس في الجامع. واصنع شرايط. الصلبة الصالحة هتكفر السيئات ياما خلاص اجري - [00:42:51](#)

صاحب الناس الصالحة عشان يبقى حياته كلها تكفير سيئات. يا جماعة يا جماعة ده اللي ما بيستبرقش من دونه بيعذب في القبر. امال اللي بيعمل معاصي عظيمة زي اللي احنا - [00:43:11](#)

اما اللي بيحصل فيه ايه؟ والله القبور بتغلي بعض اهلها اشد من اكثر منزر غليان شفته لايزاء او القدر بيغلي على وجه النار يعني احنا عايزين نعرف ان الاحزان اللي تحت الارض اعظم مليون مرة من اي احزاب فوق الارض. والافراح اللي طلعت في الارض اعظم مليون مرة. من اي افراح تحت الارض. ده يا - [00:43:21](#)

يا حسرة من حفر النار. موضوع كبير ده مش موضوع بسيط. يا جنة يا تابوت من جمر النار والعياذ بالله. يبقى الواحد لازم يعمل حساب. الموت مصيبة يا جماعة رسالة من كل الوجوه والله الا للانسان الصالح. الا للانسان اللي عارف ربنا سبحانه وتعالى الا للانسان التقى. الا للانسان اللي سيئاته ما احاطتش به. وليست - [00:43:41](#)

التوبة للذين يعملون السيئات سيئات وراء سيئات اتراكبت على قلوبهم. جه عند الموت شايف ملك الموت ومش قادر يتوب حتى ومش قادر يرجع خلاص. السيئات بتاعته حاطط به. معاصي سنين طويلة قعدت تتراكم تتراكم. معاصي يعني ايه قعدت؟ طب على عينيه لغاية ما قفلته - [00:44:01](#)

معاصي ودانه قعدت تتراكم على ودان الغيب تسدتها. معاصي قلبه قعدت تتراكم على قلبه لغاية ما خلاص. تولدت ايمانيتها تماما. معاصي ولسانه قعدت تتراكم على لسانه لغاية ما عايش قادر ينطق بكلمة التوبة. وليست التوبة للذين يعملون السيئات. حتى اذا حضر احدهم - [00:44:21](#)

لتقال اني تبت الان يا بعد ايه ما قدرش ما قدرش انه يفوق طول عمره الطويل ده هو وكل رسايله ربنا ما بيعتها له عشان يفوق ما قدرش يفوق ليه - [00:44:41](#)

المعاصي احاطت به وتراكمت حواليه. اخرتها ايه اخرة ايه يا جماعة؟ يعني احنا الدنيا كلت قلوبنا والله يا جماعة دي حقيقة. لو رحت مسلا لجراح خبطت على بيته الساعة ثلاثة بالليل ايه فيه ايه؟ ده فيه اتنين عيانيين عايزين يعملوا جراحات - [00:44:51](#)

هاجي بقى عند حضرتك دلوقتي والله تبقوا انت بتصدر والله ما انت واقف طب طب حاجة ساقعة طب آآ طب انا هلبس وبقي معك حاجة هنا اهو طب لو حد خبط على بابه في الورك ده فيفتح قال له - [00:45:06](#)

ايه؟ قال له ده في مليون مسلم النহারدة اسلامي في فرنسا. ده اداة خبر تصحيني عشان! انت جاي تصحيني عشان انت ما ما عندكش دم ولا ايه! يعني لو حد خبط الفجر على باب - [00:45:16](#)

تدرس بيدي دروس في الجامعة ولا لطلبة سانوي ولا حاجة. قال له ده انا عندي لك خمس مجموعات عايزين ياخدوا عندك. قال

يتصلوا في اي ان شاء الله يتصلوا الوقتي. انا تحت امرهم. طب استنى - 00:45:26

طب لو حد خبط على بابه قال له في نفس الوقت ده قال له في قبيلة في افريقيا دلوقتى اعلنت اسلامها وانا من فرحتي مش قادر فجيت افرك ايه ده! ده خبر تصحيني عنه دلوقتى! يا جماعة احنا الدنيا كلت قلوبنا والله يا جماعة! الدنيا كانت قلوبنا! لو واحد

واقف على قبر حبيب من احباؤه بيدفنه! تلاقيه ببيكي! اسأله - 00:45:36

مية جنيه غالب الناس هيقول لك ايه؟ ده كان لسه شباب. انا والله صعبان علي القلم اللي اتقال له وهو بيموت. انا والله مش قادر على

الم الفراق. انا اصل انا كنت بحب - 00:45:56

ما فيش حد هيقول لك انا ببيكي على هيحصل لي ايه دلوقتى؟ يا ترى الوقتى ربنا هينعمه وهيتقبل منه وهيفسح له قبره مد بصره وهي ولا هيبقى عصب رهيب عليه. وهيشدد عليه في المسألة. يا ترى هو يعرف يجاوب على الاسئلة الثلاثة الخطيرة في العقيدة؟

واللي مش يعرف - 00:46:06

تجاوب يا ترى يا ترى مين فينا اللي بيفكر بالطريقة دي يا جماعة؟ يا جماعة الملايكة دلوقتى ملائكة الرحمن وهي بتجول في

شوارع المسلمين كده. الملائكة اللي بتدور - 00:46:26

في شوارع المسلمين انا مش قادر اتخيل منزركم ان طول الوقت يشوف المسلمين على البلاجات اللي بيعصوا ربنا اللي بيبارزوا ربنا بكل معصية انطباعهم ايه اللي او لما يشوفوا مسلا ملايين واقفة قدام القهوة قدام بيكهام ورونالدو ورئيس دانون وقدام روماريو

وقدام واقفة الملايين قدام الاهلي مش قادرة متسمرة - 00:46:36

يقولوا ايه؟ لهذا خلقتهم؟ ام بهذا امرتهم؟ معقولة الغفلة توصل للدرجة دي؟ معقولة الرضا بالدنيا وشهوتها ممكن يوصل بنا للدرجة

معقولة الطامنان رغم ان لنا رب شاهد علينا من سوء سبع سموات. وهنحاسب قدامه على النقيير والقطمير. ممكن نوصل للدرجة

ديت؟ يا جماعة - 00:46:56

فمش عايزين نسكن بالدنيا والله ولا تسوى. انا عايزك تقف قدام مدرسة سانوي او جامعة وتشوف الشباب الجميل والنضارة والبنات اللي لسه صغيرة والشباب اللي لسه بقوته وعافيته وتشوف نفس المنزر بتاع الناس دي بعد خمسين سنة. شف الجمال بقى شكله ايه!

شف اللوش الناعم بقى ايه! شف الشعر الطويل بقى ايه - 00:47:16

شف الجسم الجميل بقى ايه! شف الشباب والحيوية بقت ايه! شف الانطلاق والجري بقى ايه! شف العلاقات والحب والعواطف حالها

بقى شكله ايه! شف كل ده بقى شغل ايه؟ خمسين سنة بس. من الدنيا الحقيرة قلبت الانسان القلبة دي. يبقى احنا يعني معقولة يا

جماعة! معقولة نوصل للدرجة دي! انا عايز يعني انا عايز - 00:47:36

سؤال. مين اللي ضحى اكثر؟ احنا ولا الصحابة؟ ليه اللي ضحى اكثر؟ احنا ولا الصحابة؟ في واحد هيقول طبعا الصحابة احنا اللي

ضحينا اكثر. ليه؟ لان الصحابة ضحوا بالدنيا واحنا ضحينا بالآخرة. يا الهي! والله يا جماعة احنا بنضحى باغلى شئ في حياتنا -

00:47:56

انا بقول الكلام بقول الكلام ده لاننا عايز نفوق. انا بقول الكلام ده لان انا عارف كويس جدا جناح الترهيب ممكن نرفع الطائر قد ايه؟

انا بقول الكلام ده لان رمضان لسه عليه شهر - 00:48:16

عايزين ندخل رمضان بعزم اكيد على التوبة. بعزم اكيد على استسمار حياتنا. ده عزم اكيد ان احنا ما نكتشفش ان ما نكتشفش ان

المجوهرات اللي احنا عبيناه في الدنيا وجمعناها وحطيناها في علب ودفعنا عمرنا فضل لجمعها وكنا بنديها قدام كل الناس بها وكنا

بندخرها للمستقبل - 00:48:26

بعيد ان احنا كنا مأمنينه نكتشف يوم القيامة ان كل المجوهرات دي طلعت فالصو. ان المجوهرات دي كلها طلعت ولا تسوى. ان

المجوهرات دي كلها طلعت ولا ما لها اي لازمة. يعني صلاتها مودع. يعني ايه تصلي صلاة مودع؟ يعني انت قاعد في المسجد اهو.

تخيل ان اللي جنبك ملك الموت. اللي جنبه ملك الموت. اللي جنبك - 00:48:46

او واقف قدام باب المسجد. انت مش هتخرج على بيتك ولا عيادتك ولا جنوبيتك خلاص. انت هتخرج بالك من يقول لك تعالى يلا.

خلاص بالسلامة. خلاص متأهلي دي سنة مبدع. هي دي سنة صلاة مودع. طب انت عايز تقول لنا ايه؟ انا عايز اقول لك وعاييز اقول لك عيش حياة مودع - [00:49:06](#)

تريد توبة مودة احلو حياة مودة يا جماعة. يا جماعة عايزين نعرف ان احنا والله كل ده هنسيبه. الدنيا هنسيبها والمسجد اللي احنا بنصلي به بتاعة واحبابنا وقرايبنا وشغلنا ومشغلنا. انت النهاردة ممكن لو عندك شغل في التجارة بتاعتك لا ده انا لازم اقوم في البدري ليه؟ ده انا ورايا - [00:49:26](#)

وين العيادة بتاعتي ده انا ورايا الف حاجة انا مشغول انا مش فاضي. لو جالك الماتش في اللحظة دي هات ايه مش فاضي؟ بالله عليك هتقول مش مش فاضي في ايه؟ خلاص يعني واحد آآ يعني كان راح مقابر يعني آآ خد اخ كده وداه المقابر - [00:49:46](#) فليتعضوا بالمقابر فهم واقفين في المقابر وقاعدين يتعضوا وقاعدين يبصوا على المقابر وقاعدين يتأملوا فيها. فيقول له ايه؟ بيقول له في الآخر بقى بعد ما بدأ يدخل في قلبه العبرة - [00:50:03](#)

ان الموت الزود في الدنيا. قال له انا هسألك سؤال. ايه اغلى حاجة عندك في الدنيا انا عايزك تسأل نفسك السؤال ده. تزور اي مقابر وتسأل نفسك السؤال ده. بعد نص ساعة من الوقفة في المقابر والتدبر في حقارة الدنيا. ايه اغلى حاجة عندك في الدنيا - [00:50:13](#) تفاجأ ان كل الدنيا اصبحت قدام عينيك ولا تسوى. هتفاجأ انك انت صحيت. الواحد لما بيزور المقابر والله لو يقعد يفكر الناس اللي برة دول عاقلين ولا تعليم يا جماعة احنا عاقلين ولا مخنا ده مش في راسنا احنا فعلا عاقلين احنا فعلا مستوعبين الموقف اللي احنا فيه. لما تقف قدام الوقائع وتشوف ده فلان اللي غني اللي ادفن وده بعد - [00:50:30](#)

وده فجأة في حادثة وده الشاب اللي ادفنه كان طفل صغير ودي كانت يعني واحدة بعد ما خلفت عيلين سابتهم اطفال وماتت وده وده وده وده ما لهاش لازمة. وتحس ان كل دول فجأة بعد ما كانت حياتهم مليانة مشاغل. ممكن شغلهم عن ربنا وعن لحزة الاسام. فجأة فجأة في لحزة في لحزة - [00:50:50](#)

واحدة بس تفاجأ ان هم بقى بين ايدين ربنا سبحانه وتعالى. طب الناس اللي برة الناس اللي قاعدة تجري في الدنيا دار الوحوش. اللي عنده عشرين اللي عنده اربعين مليار - [00:51:10](#)

هو لسه بيفكر يزود. اللي عنده ستة وتلاتين مليار ونص اللي عنده مية وخمسين مليار. الجائزة يا جماعة بتفكر تزود بتعمل ايه بالفلوس؟ ده لو قعدت تولع فيها في يوم القيامة مش والله الواحد بيحزن. لما يلاقي واحد كافر كافر في الغرب بيتبرع بمليارات للأعمال الخيرية. ويلاقي الاغنياء بتوع - [00:51:20](#)

مسلمين يا عجبت من جلد الكافر وعجز الثقة وعجز المؤمن. يعني يا جماعة انا عايز اقول ايه؟ انا عايز اقول اخرتها ايه؟ اخري في الدنيا ايه اللي احنا فيها دي ايه؟ اخرة الموضوع الكبير اللي احنا فيه ده ايه؟ انا كلمتكم عن ايه؟ انا كلمتكم فاكروا معي؟ مطمئنين ليه؟ ايه اللي احنا فيه - [00:51:40](#)

تطمئن ايه اللي احنا فيه بعد اللي حصل للنبي واللي هيحصل لجمال ايه اللي احنا فيه يخليك تظمن ويخليك تقعد كده وانت ما انتش عامل هم مش عامل هم حاجة - [00:52:00](#)

ايه يا جماعة؟ مطمئنين ليه؟ ايه ايه اللي يخلينا ما نفكرش ميت الف مرة؟ قبل ما نفكر في لحظة ان واحدة في الدنيا. حد يأمن للدنيا؟ والله ده مخضوع ليه؟ ما فيش حاجة تبع الاطمئنان. تاني حاجة ماذا لو تكلم الكهن؟ لو الكفن نطق. يعني الواحد وهو جاي في الطريق النهاردة يعني والله هو ببص الطريق - [00:52:10](#)

في حر نار يا رب يا رب ده انا في الدنيا روح هقرب لمية ساقعة هرب موديل هرب من تكييف في يوم القيامة هنضرب ليه انا مش عايز اطول عليكم بعد كده - [00:52:30](#)

قبل ان يأكلك الدود. اعمل لروحك مش لجسدك. بعد كده يعني ماذا يحدث تحت الارض؟ الحديث الخطير بتاع البراء بن عازب. احوال المؤمن واحوال بعد الموت ثم بعد كده مصيبة الموت ليه الموت مصيبة عشان نستعد وبالزات لفتنة الممات اللي الرسول كان بيتعوز منها اخر كل التحيات اللهم اني - [00:52:40](#)

اذ بك من ستة المحيا وفتنة الممات ثم بعد كده اخرتها ايه يا جماعة؟ يعني يعني احنا عايزين الوقتي وصلنا لفقرة التوصيات. فقرة التوصيات يا جماعة ختمتم اد ايه من القرآن؟ احنا الخميس اللي فات الساعة خمسة ونص الميعاد الاسبوع بتاعنا بفضل الله. ختمتم قدمننا القرآن للخميس اللي فات. اتفقنا ان احنا نختم المصحف قبل شعبان ما يخلص - [00:53:00](#)

خصتمتم قد ايه؟ صمت كم يوم من شعبان؟ يا اختي في الله كان يصوم شعبان كله. حديس السيدة عائشة عن رسول الله صلى الله عليه وسلم. في الصحيح كان يصوم شعبان - [00:53:20](#)

قليلة انت صمتي قد ايه من شعبان وهتصومي قد ايه من شعبان اللي جاي؟ يا جماعة نبدأ نشبر ده الوقت ما عادش فيه انا باكلكم عن هذه الالهوال عشان نبدأ - [00:53:30](#)

بنبدأ نفوق ونبدأ نعتبر ان معركة هو ما دام اللي جاي ده معركة مصيرية في حياتنا. احنا لازم نطلع من رمضان غير ما دخلناه. لازم تتولد من جديد رمضان ده يبقى راحم لك زي الطفل. دخل موت فطلع انسان. انت هتدخل في رمضان بكل الذنوب اللي احنا فيها دي.

هنطلع ناس تانية بس لازم نستعد. لازم نلين - [00:53:40](#)

اللعيب لو نزل الملعب وبعد خمس دقائق جاله شد وطلعوه متشال على الحماله منزل بايخ قوي. فانت لو دخلت رمضان وبعد تلت اربع تيام جالك شد ايماني وقمت نايم وما عرفتش تكمل هيبقى المنزر وحش اوي يا جماعة. لازم نبين ولازم نشحم ولازم نشحن.

ولازم شعبان ده يبقى جهد رهيب. شعبان ده - [00:54:00](#)

برافة رمضان. واخذ بالك معي؟ برافو. على حسب ما البروفة هتبقى تمام معك هيبقى الانطلاق في رمضان. بازن الله سبحانه وتعالى.

عشان انا بذكركم مرة تانية بالقرآن وبذكركم بختم القرآن قبل رمضان لازم ان شاء الله. وبفكركم مرة تانية ان يعني يعني احنا يا

جماعة الدرس اللي انا - [00:54:20](#)

دي هنا بيتعمل له ملف وبينزل على الموقع بتاعنا ليه؟ الله او الطريق الى الله على جوجل تضرب كلمة الطريق الى الله. موقع واي تو الله قلت الله بس مش توت فيه ايه لا اتنين هينزل ملف ان شاء الله عن الموت عشان نبدأ نتعز باجمل شريطة للموت. واقوى شريط

مؤثرة - [00:54:40](#)

الوعظ في الموضوع ده وهينزل كمان يعني انا عايز قبل رمضان بعمل حاجة جميلة قوي. عارفين الجزء التلاتين؟ الجزء التلاتين في القرآن اساسيات ضمن مبادئ دينا يا تفسيره قبل رمضان. والله مشروع مهم جدا وخطير جدا. ويتناسب مع رمضان ويتناسب مع انك

مسلم. ويقول لك مسلمة. هات اي تفسير في بيتك ولو صغير - [00:55:00](#)

اقرا معاني الجزء التلاتين. فاحنا هننزل لكم برضه على الموقع ملف عن اجمل حاجات اتقالت في الجزء التلاتين. اجمل تفاسير او

احسن تفاسير متاحة عندنا اتقالوا في الجزء التلاتين. بحيس ان احنا نبدأ نفهم القرآن بقى. يبقى اذا يا جماعة انا بفكركم بربط

وعزم رمضان وبفكركم بازن الله سبحانه وتعالى كل ده. واخر - [00:55:20](#)

حاجة يعني ان احنا بنتكلم عن الموت يبقى لازم بقى نبدأ بقى نفكر نفسنا بالموت. يا اخي ثلاث ساعات بس الليلة بالله عليك يا اخي

نص ساعة اقفل النور بتاع الشقة بتاعك. وشوفها - [00:55:40](#)

تقدر تقعد. اقفل المروحة والتكييف. شف الحر شكله ايه. لو الحر ده في القبر. انزل زور المقابر المقابر وفكر. اشتري كفن وعينه عندك.

عايزين يا يا جماعة ما نفلسشي يا رب اللهم لا تجعلنا من الغافلين. اللهم ذكرنا دائما بتقواك. اللهم اعنا دائما على رضاك - [00:55:50](#)

اللهم خذ بناوصينا الى ما يرضيك عنا. يا رب نحن ضعفاء يا رب. يا رب قونا في طاعتك. اعنا على طاعتك. ثبتنا على طاعتك يا رب.

يا رب بلغنا رمضان واملاها بطاعتك. واملا شعبان بطاعتك يا رب. وثبت قلوبنا. ونور وجوهنا - [00:56:10](#)

نفك انفسنا وطهر صحائفنا يا رب العالمين وتقبل منا يا مولانا برحمتك يا ارحم الراحمين. اقول قولي هذا واستغفر الله لي ولكم.

واذكركم ان شاء الله بالخميس الجاي ان شاء الله الساعة خمسة ونص. سبحانك اللهم وبحمدك. اشهد ان لا اله الا انت. استغفرك -

[00:56:30](#)

واتوب اليك - [00:56:50](#)